



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱՐԱՔԿԻՐ ՆՍՏԱՎԱՅՐ

(ՀՀ, համայնք Երեւան, Քաղաքացի-Չեզոքութիւն, ՀՐ. Ներսիսյան Փ., մասնաշենք 10)



ՈՐՈՇՈՒՄ

ԿԱՏԱՐՈՂԱԿԱՆ ԹԵՐԹԻ ԿԱՏԱՐՄԱՆ ՆԵՐԿԱՅԱՑՆԵԼՈՒ ԲԱՅ ԹՈՂԱՆՎԱԾ
ԺԱՄԿԵՏԸ ՀԱՐԳԵԼԻ ՀԱՄԱՐԵԼՈՒ ԵՎ ԿԱՏԱՐՈՂԱԿԱՆ ԹԵՐԹ
ՏՐԱՄԱԴՐԵԼՈՒ ՎԵՐԱԲԵՐՅԱԼ ԴԻՍՈՒՄԸ ՔՆՆՈՒԹՅԱՆ ԱՌՆԵԼՈՒ ՄԱՍԻՆ

ԵԴ2/2161/02/24
4 Ապրիլի 2024թ

ք. Երևան

Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ա. Դուրանյանը, քննարկելով «ՎՏԲ-Հայաստան բանկ» փակ բաժնետիրական ընկերության ներկայացուցչի կողմից արբիտրաժի վճռի հարկադիր կատարման համար կատարողական թերթի կատարման ներկայացնելու բաց թողնված ժամկետը հարգելի համարելու և դիմումը վարույթ ընդունելու հարցերը,

ՊԱՐԶԵՑ

I. ԳՈՐԾԻ ԴԱՏԱՎԱՐԱԿԱՆ ՆԱԽԱՊԱՏՍՈՒԹՅՈՒՆԸ.

1.1. Դիմողի ներկայացուցիչը հայցադիմում է ներկայացրել ՍՊ ընկերությանը կից մշտապես գործող Արբիտրաժային դատարանի հիմնարկ ընդդեմ Ալիկ Վարշամի Պողոսյանի՝ գումար բռնագանձելու պահանջի մասին:

1.2. Արբիտր Զ. Հարությունյանի կողմից 12.09.2022 թվականին կայացված վճռով հայցը բավարարվել է:

1.3. «ՎՏԲ-Հայաստան բանկ» փակ բաժնետիրական ընկերության ներկայացուցչի կողմից էլեկտրոնային եղանակով 2024 թվականի մարտի 25-ին Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարան (այսուհետ նաև՝ Դատարան) է ներկայացվել կատարողական թերթի կատարման ներկայացնելու բաց թողնված ժամկետը հարգելի համարելու և կատարողական թերթ տրամադրելու դիմում (այսուհետ նաև՝ Դիմում):

1.4. Դիմումը 26.03.2024 թվականին մակագրվել է դատավոր Ա. Դունամայյանին:

II. ԴԱՏԱՐԱՆԻ ՀԻՄՆԱՎՈՐՈՒՄՆԵՐԸ.

2.1. ՀՀ քաղաքացիական դատավարության օրենսգրքի 321-րդ հոդվածի 1-ին մասի համաձայն՝ արբիտրաժի վճռի հարկադիր կատարման համար կատարողական թերթ տալու վերաբերյալ դիմումը դատարանը քննում է այն դեպքում, երբ արբիտրաժի վճռի հարկադիր կատարման համար դիմումը չէր կարող ներկայացվել մշտապես գործող արբիտրաժային հաստատություն՝ «Առևտրային արբիտրաժի մասին» Հայաստանի Հանրապետության օրենքով սահմանված դեպքերում, և երբ արբիտրաժի վայր է հանդիսացել Հայաստանի Հանրապետության տարածքը:

Նույն հոդվածի 3-րդ մասի համաձայն՝ արբիտրաժի վճռի հարկադիր կատարման համար կատարողական թերթ տալու վերաբերյալ դիմումը ներկայացվում է «Առևտրային արբիտրաժի մասին» Հայաստանի Հանրապետության օրենքով նախատեսված դատարան: Նույն հոդվածի 4-րդ մասի համաձայն՝ արբիտրաժի վճռի հարկադիր կատարման համար կատարողական թերթ տալու վերաբերյալ դիմումը կարող է ներկայացվել դատարան արբիտրաժի վճիռն ստանալու պահից մեկ տարվա ընթացքում:

«Առևտրային արբիտրաժի մասին» ՀՀ օրենքի 6-րդ հոդվածի 2-րդ մասի համաձայն՝ նույն օրենքի 34-րդ հոդվածի 2-րդ մասով, 35-36.2-րդ հոդվածներով նախատեսված գործառույթներն իրականացնում է Երևան քաղաքի առաջին ատյանի ընդհանուր իրավասության քաղաքացիական դատարանը:

Նույն օրենքի 35-րդ հոդվածի 1-ին մասի համաձայն՝ արբիտրաժային տրիբունալի վճիռը, որը կայացվել է Հայաստանի Հանրապետության տարածքում կամ Օտարերկրյա արբիտրաժային որոշումների ճանաչման և կատարման մասին Նյու Յորքի կոնվենցիայի անդամ որևէ այլ պետության տարածքում, պետք է ճանաչվի որպես պարտադիր և համապատասխան դատարանին գրավոր միջնորդելու դեպքում կատարվի նույն հոդվածին և 36-րդ հոդվածին համապատասխան:

«Դատական ակտերի հարկադիր կատարման մասին» ՀՀ օրենքի 18-րդ հոդվածի 9-րդ մասի համաձայն՝ օրենքով և նույն հոդվածի 10-13-րդ մասերով նախատեսված դեպքերում կատարողական թերթը տրվում է առանց այդ մասին դիմում ներկայացնելու:

Նույն հոդվածի 12-րդ մասի համաձայն՝ արբիտրաժային տրիբունալների վճիռների (...) հիման վրա կատարողական թերթը տալիս է համապատասխանաբար արբիտրաժի վճռի հարկադիր կատարման, (...) համար կատարողական թերթ տալու, (...) որոշումը կայացրած դատարանը՝ այն ուժի մեջ մտնելուց հետո՝ եռօրյա ժամկետում:

«Դատական ակտերի հարկադիր կատարման մասին» ՀՀ օրենքի 23-րդ հոդվածի 1-ին մասի 2-րդ կետի համաձայն՝ կատարողական թերթ ստանալու համար դիմումը ներկայացվում է մեկ տարվա ընթացքում, եթե օրենքով այլ բան սահմանված չէ՝ սկսած այն օրվանից, երբ արբիտրաժային տրիբունալը կայացրել է վճիռ:

Վերոնշյալ իրավական նորմերի վերլուծության հիման վրա Դատարանն արձանագրում է, որ օրենսդիրը «Դատական ակտերի հարկադիր կատարման մասին» ՀՀ օրենքի 23-րդ հոդվածի 1-ին մասով նախատեսել է կատարողական թերթ ստանալու համար մեկ տարվա ընթացքում դիմում ներկայացնելու ընդհանուր կանոն, որի հաշվարկի սկիզբ է սահմանել արբիտրաժային տրիբունալի վճռի պարագայում դրա կայացման պահը, եթե օրենքով այլ բան սահմանված չլինի: Միաժամանակ, Երևան քաղաքի առաջին ատյանի ընդհանուր իրավասության քաղաքացիական դատարան Հայաստանի Հանրապետության

տարածքում կայացված արբիտրաժային տրիբունալի վճռի հարկադիր կատարման համար կատարողական թերթ տալու վերաբերյալ «Առևտրային արբիտրաժի մասին» ՀՀ օրենքով սահմանված դեպքերում դիմում ներկայացնելու համար օրենսդիրը ՀՀ քաղաքացիական դատավարության օրենսգրքի 321-րդ հոդվածի 4-րդ մասով սահմանել է կատարողական թերթ ստանալու համար մեկ տարվա ժամկետի հաշվարկման այլ եղանակ, այն է՝ ոչ թե մեկ տարվա ժամկետի հոսքը արբիտրաժային տրիբունալի վճռի կայացման պահից սկսելու, այլ արբիտրաժի վճիռը ստանալու պահից սկսելու միջոցով: Ընդ որում, արբիտրաժի վճռի հարկադիր կատարման համար կատարողական թերթ տալու դիմումի քննության արդյունքով արբիտրաժի վճռի հարկադիր կատարման համար կատարողական թերթ տալու վերաբերյալ որոշում կայացնելու դեպքում դատարանը նշված որոշումն ուժի մեջ մտնելուց հետո եռօրյա ժամկետում տրամադրում է կատարողական թերթը՝ առանց այդ մասին պահանջատիրոջ կողմից հավելյալ դիմում ներկայացնելու:

Տվյալ դեպքում, ՎՏԲ-Հայաստան բանկ՝ ՓԲ ընկերության ներկայացուցիչը 2024 թվականի մարտի 25-ին դիմել է Երևան քաղաքի առաջին ատյանի ընդհանուր իրավասության քաղաքացիական դատարան՝ ՀՀ տարածքում կայացված արբիտրաժային տրիբունալի վճռի հարկադիր կատարման համար կատարողական թերթ տալու պահանջով: Ընդ որում, գործում առկա նյութերի, մասնավորապես՝ թիվ ԱՐԲ/1722/22 գործով կայացված 12.09.2022 թվականի վճռի վրա առկա մուտքի ամսաթվի և «Արբիտրաժ» ՍՊ ընկերության կողմից «ՎՏԲ-Հայաստան բանկ» ՓԲ ընկերությանը ուղղված թիվ «LO115662972AM» բեռնային համարով փոստային ծրարի պատճենի համաձայն՝ «ՎՏԲ-Հայաստան բանկ» ՓԲ ընկերությունը թիվ ԱՐԲ/1722/22 գործով կայացված 12.09.2022 թվականի վճիռը ստացել է 08.12.2023 թվականին:

Նման պայմաններում Դատարանն արձանագրում է, որ «ՎՏԲ-Հայաստան բանկ» ՓԲ ընկերության ներկայացուցիչը թիվ ԱՐԲ/1722/22 գործով կայացված 12.09.2022 թվականի վճռի հարկադիր կատարման համար կատարողական թերթ տալու վերաբերյալ դիմումը Դատարան է ներկայացրել ՀՀ քաղաքացիական դատավարության օրենսգրքի 321-րդ հոդվածի 4-րդ մասով սահմանված ժամկետում, այսինքն՝ արբիտրաժի վճիռը ստանալու պահից մեկ տարվա ընթացքում, ինչն էլ իր հերթին նշանակում է, որ «ՎՏԲ-Հայաստան բանկ» ՓԲ ընկերությունը բաց չի թողել կատարողական թերթ ստանալու համար դիմում ներկայացնելու ժամկետը:

Զնայած դրան՝ «ՎՏԲ-Հայաստան բանկ» ՓԲ ընկերության ներկայացուցիչը արբիտրաժի վճռի հարկադիր կատարման համար կատարողական թերթ տալու դիմումի մեջ շարադրել է նաև բաց թողնված ժամկետը հարգելի համարելու վերաբերյալ միջնորդություն, ինչը վերոնշյալ հիմնավորումներով Դատարանի գնահատմամբ առարկայագուրկ է ու ենթակա մերժման, քանի որ Հայաստանի Հանրապետության տարածքում կայացված արբիտրաժային տրիբունալի վճռի հարկադիր կատարման համար կատարողական թերթ տալու վերաբերյալ «Առևտրային արբիտրաժի մասին» ՀՀ օրենքով սահմանված դեպքերում դիմում ներկայացնելու համար օրենքով սահմանված մեկ տարվա ժամկետի հաշվարկը տվյալ դեպքում սկսել է հոսել 08.12.2023 թվականից, իսկ քննարկվող դիմումը Դատարան է ներկայացվել 2024 թվականի մարտի 25-ին, այսինքն՝ օրենքով սահմանված ժամկետում:

2.2. Ինչ վերաբերում է արբիտրաժի վճռի հարկադիր կատարման համար կատարողական թերթ տալու մասով Դիմումը վարույթ ընդունելու և կատարողական թեր տալու հարցերի քննարկմանը՝ Դատարանն արձանագրում է, որ այդ հարցերն ենթակա են լուծման ՀՀ քաղաքացիական դատավարության օրենսգրքի 46-րդ գլխով և «Դատական ակտերի հարկադիր կատարման մասին» ՀՀ օրենքի 18-րդ հոդվածով սահմանված կարգով ու

Ժամկետներում:

Այսպես, ուսումնասիրելով դիմումը և դրան կից փաստաթղթերը՝ Դատարանը կարծում է, որ դիմումը ներկայացվել է ՀՀ քաղաքացիական դատավարության օրենսգրքով և «Առևտրային արբիտրաժի մասին» ՀՀ օրենքով նախատեսված պահանջների պահպանմամբ ու առկա չեն ՀՀ քաղաքացիական դատավարության օրենսգրքի 321-րդ և 322-րդ հոդվածներով, ինչպես նաև «Առևտրային արբիտրաժի մասին» ՀՀ օրենքի 36-րդ հոդվածով սահմանված դիմումը վերադարձնելու հիմքերը, ինչպիսի պայմաններում ներկայացված դիմումը պետք է ընդունել վարույթ և միաժամանակ առանց դատական նիստ հրավիրելու հայտարարել եզրափակիչ դատական ակտի հրապարակման ժամանակը ու վայրը:

III. ԴԱՏԱՐԱՆԻ ԵԶՐԱՀԱՆԳՈՒՄՆԵՐԸ.

Դատարանը, հիմք ընդունելով ամբողջ վերոգրյալը և ղեկավարվելով ՀՀ քաղաքացիական դատավարության օրենսգրքի 27-րդ հոդվածի 2-րդ մասով, նույն օրենսգրքի 188-րդ, 199-րդ, 200-րդ, 296-300-րդ, 321-325-րդ, 361-րդ և 362-րդ հոդվածներով,

ՈՐՈՇԵՑ

1. «ՎՏԲ-Հայաստան բանկ» փակ բաժնետիրական ընկերության ներկայացուցչի կողմից ներկայացված դիմումը՝ կատարողական թերթի կատարման ներկայացնելու բաց թողնված ժամկետը հարգելի համարելու մասով, մերժել:
2. «ՎՏԲ-Հայաստան բանկ» փակ բաժնետիրական ընկերության դիմումը՝ արբիտրաժի վճռի հարկադիր կատարման համար կատարողական թերթ տալու պահանջի մասին, ընդունել վարույթ:
3. Եզրափակիչ դատական ակտը հրապարակել 2024 թվականի ապրիլի 26-ին՝ ՀՀ դատական իշխանության պաշտոնական կայքի միջոցով:
4. Որոշումը՝ արբիտրաժի վճռի հարկադիր կատարման համար կատարողական թերթ տալու պահանջի մասին դիմումը վարույթ ընդունելու մասով, օրինական ուժի մեջ է մտնում կայացման պահից և ենթակա չէ բողոքարկման, իսկ մերժման մասով՝ կարող է բողոքարկվել ՀՀ վերաքննիչ քաղաքացիական դատարան՝ այն ստանալուց հետո՝ յոթնօրյա ժամկետում,

Դատավոր՝ Ազատ Դունամայան